

四庫全書

集部

欽定四庫全書

集部
御製詩五集卷二十

欽定四庫全書

御製詩五集卷二十

古今體一百二十六首

丙午十二

命行鄉飲酒禮詩以紀事

千更昨年宴禁中情敦養老擴而充勅行京兆鄉飲酒

義熙朝首善風佳政寧容廿年闕

乾隆廿六年曾舉鄉飲酒禮闕今已

廿餘年昨歲乙巳舉行千更宴於乾清宮與宴凡三千人各賞齋有差茲復勅順天府於上元即舉行鄉飲酒

禮其所奏樂章並命慎選伶生肄習嫺熟用昭盛考引年之盛

賓筵適舉上元融補笙

詩并註宮徵

向嘗補製南陵白華等笙詩六篇頒之樂部用於鄉飲酒禮昨歲復命典樂諸臣將

所有各樂章譜內填註五六工尺上等字者悉添註宮商角徵羽等字俾樂工肄習引俗入雅以復元音並令

即於鄉飲酒禮歌所製笙詩六篇

入雅心期引俚同

題張雨天然如意硯

歛石宋坑舊直方作几形鏤猶留墨雨點畧露金星全體雖傷半精神不礙靈琢池肖如意應為寫蓮經

詠宣德雕漆撫琴盒

鬚髯看皤然相於兩地仙調琴松入操烹茗鶴噓烟道

筦非俗韻塵寰即洞天問渠瀟適者可識五朱絃

新正幸御園即事成什

撰良冀葉正依旬詆蕩都城出鳳闈爆竹烟村新喜報
鰲山籞苑舊燈輪已思峰頂重鋪玉且幸樹根尚積銀

去歲冬臘三白侵需為數年所罕見但自新正
以來屢陰未雪不無復望 需思之念也 行慶似

茲復九度倦勤冀可住長春

於圓明園東葺治長春園
如寧壽宮為菴裏娛老之

備復度九歲則為丙辰歸政之年似此行
慶宴眷胥付嗣子余當住長春園娛老耳

清暉閣

欽定四庫全書



御製詩五集

清暉之閣尚如前人對清暉竟異焉何必今時不稱老
丁酉歲之前每不肯自稱
老茲年逾長而事已過矣付他春令自為妍淡懷於閑

偏生厭結習惟吟未盡蠲撫景愴然有弗樂九年於是

罷燈筵

向每於此閑張燈倚
慈宴不舉斯事凡九年矣

含芳書屋

乘陽氣合御園居穉春芳意猶需如行時慶節豈無暇
書屋閒還讀我書讀書要在味乎道饜飮詎為工辭藻
韶光分付且須含一發無餘亦何好

披襟樓

書樓足騁目遂以號披襟良辰一拾級因之別會心騁
目亦何要會心在自斟心必有所懷懷具襟之深披襟
對萬物廓然大公臨藝祖洞開門先得此意謹

題文源閣

前年四庫度全藏幾暇來斯每閱翻史鑄經鎔信闢行
去聲子合集咀亦資言要於切已臨民會豈繫通今博古
繁浩博文源誠鮮逮我先勤我治之源

趣亭

春水泠泠韻泌泉
春雲藹藹蔚輕烟
試詢底是元之趣
閣上羲經提以全

月臺

閣側假山號月臺
玲瓏石上據嵒嵬
團團真是明如鏡
照徹古今祇此哉

皆春閣

東皇布煦嫗一氣
物皆春且慢臻昌治
已欣漸藹閣元

元為善之長君合止於仁宣沛十行詔惟期蘇萬民

恒春圃

屋中雛落如花圃名曰恒春亦成語戴嵩

月重輪行

以及陸

龜蒙

幽居賦

同然先得前旌樹申鑒

申鑒五卷漢荀悅著

又言存以

吾不能不與萬物旅

申鑒俗嫌篇云夫物不能為春故候天春而生人則不然存吾春而

己恒春之義實在茲何必媽紅蛇紫覩

理心樓

心以理萬事此則曰理心本末似倒置其義亦可斟酌

此方寸中七情日相侵大師克相遇同人義堪尋欲理
先去私宣尼示顏深

題吳彬山陰道上圖

逸少昔行山陰道曰如遊向鏡中矣奇談乃引而未發
能者從之文中是善工人物狀奇怪而其所長實山水
自立門戶不多見見斯信可嘆觀止皴弗用墨用本色
一節即非人能已千巒萬壑互磅礴疊樹飛泉幻隱起
垂峰欲落空與扶行雲疑變石為體屋宇點綴各得當

盡態極妍難議擬而皆超情以入神駭目洞心契元理
山陰我向亦一遊幾曾光怪有如此長歌用誌始遇欣
萬鍾可悟未該旨

按吳彬字文中莆田人工人物善山水圖繪寶鑒稱
其形狀奇怪自立門戶茲山陰道上圖卷為米萬鍾
作所繪千巖萬壑刻露清峭皴法皆以本色不用墨
染實宋元明諸畫家所無論其畫品可謂超情入神
洞心駭目較之山陰真面有過之無不及也因為長

歌並識諸右

題胡桂做吳彬山陰道上圖即用題吳彬畫卷韻

古云天下無難事事在人為而已矣斯言萬理鮮不該
豈獨繪事弗如是吳彬山陰道上圖變幻峰巒極雲水
處女脫兔莫形容敵人開戶敵莫止晉唐宋元法彙合
混彙合跡益奇已奇已却復出平易按之可辨止與起
由来不以技為用是謂能以神為體見者盡當退三舍
却命桂也試做擬初猶難之戒自畫誨以勉強學問理

數月間斯卷亦成步兵中郎或類此凡物無不可造就
題辭因悟棧樸旨

詠宣德蓬島仙壺硯

樓閣仙山湧海波製從宣德倣宣和同工書畫殊為政
足硯刻琢工巧倣宣和遺製傍有宣德年款宣德亦工
書畫而即位後政平吏稱綱紀修明較之宣和之君臣
逸豫怠棄國政者
不可同年語矣
明帝過於宋帝多

題文彭刻光風霽月章

光風以為端霽月以為俛聞之山谷黃曾稱周濂溪壽

承筆於印襟懷古與稽欲以喻德章寧因玩物題

新正萬壽山

御園今歲撰良出先節未舒五葉莫以此却欣多暇日
遂教尋勝攬韶青臘過餘雪依陰積夜半作風傍晚停
事豫時和應意愜每因戎滿不遑寧

瑩心堂

小坐瑩心堂瑩心義可詳靜觀元氣始動勅萬幾忙光
映雲三素閒臨水一方稱名非創得鼻祖自山莊

避暑山莊

之鑒心堂
皇祖御書題
額實為教堂數典亦嘗有詠

睇佳榭

冰牀渡鏡浦山榭倚雲欄春色雖遲鬯韶光已耐看梅
情依屋暖柳體怯隄寒物物含佳意佳於律未殫

暢觀堂有會

書堂迴冠

去聲

山久矣額暢觀千林葉未吐近遙一例看

近湖兩鏡夾遙峰萬玉攢意實為之暢節前況務閒既
而憬然懼暢隣泰與安孟云收放心敢忘騁目間

石舫二首

石舫每年必一臨一臨亦每必留吟春方建孟天之運
冰不生波道者心

水舫動而石舫靜漫些熾岬弗通航冰時此舫原如泛
木舫看他塢裏藏

澄鮮堂

冰無澄鮮能水實澄鮮所冰水本一體虛寔用因迂叶
用豈能離體實亦虛之伍能所胥幻緣更聞諸佛語如

是炙轂辯究無其定處莫若俯而觀無可無不可叶

味閒齋

沿西遂至北山陰斯窈深依巖有書齋途便偶一臨其
名曰味閒觸目仍惕心萬幾待予理猶惜分寸陰豈得
有閒時無逸以為箴孜孜慎終始不懈勗誠欽十稔待
歸政

予將以丙辰年歸政以今歲丙午至乙卯歲言之則仍十年也

閒趣或可尋

戲題清可軒

倚峭巖軒架幾楹竹爐偶做惠山烹中人早捧茶盞候

豈肯片時許可清

構虛軒

山頂書軒號構虛一時小憩意興予試省動以靜為始
可悟無原有者初風度由來貴醞藉冶姚恰似遞舒徐
雖然此詠虛之構究此虛為誰構諸

澹寧堂有會

水即冰而冰即水底須凍解別分明武侯兩語一言會

謂澹泊以明志
寧靜以致遠

水澹水寧當面呈曰水曰冰仍有喻不

如視以無形聽無聲

雲繪軒口號

三白晴過一月餘設如繼潤豈辭諸巖軒題額曰雲繪
作雪仍殷心望予

題郎世寧繪準噶爾獻馬圖

罷兵絕域反來賓

準噶爾之用兵自康熙年間
祖三征朔漠屢申捷伐及我
皇

考兩路出師額駙策楞擊賊之於額爾德尼招幾令匹
馬不返我武既揚遂有罷兵之議乾隆初年余遵守

成訓用加安戢示之以逸待勞於是噶爾丹策凌所
恃既誦於乾隆八年遣使入貢獻馬厥後其子阿占及

達瓦齊篡逆相尋因來時大舉掃穴犁庭以
承 兩朝未竟之志詳見西師誌事詩 牽獻權奇

良且馴遂使海西作圖畫並教內翰誌緣因
噶爾丹策楞所貢馬

其一純白有青文高八尺長丈有二尺賜名如意驄命
西洋人郎世寧繪圖並命內廷翰林梁詩正汪由敦蔣

溥莊有恭嵇璜張若澄為之
序讚後復命沈德潛題什 偶然試展失六者
茲偶加披閱所

有題識之梁詩正汪由敦蔣溥莊有恭張若澄沈德潛
等六人皆已凋謝又爾時侍御之臣圖其貌者來保傅

恒羅卜藏汪札爾海蘭特庫博爾奔察雲寶
五十七等九人今乃無一人矣為之悵然 介爾猶看

有兩人 余以四十年後重題是圖而序讚侍御諸
臣惟嵇璜一人在因命再與賡和是什 識用

古稀天子寶 成圖時亦未期用此寶
今得用之亦佳話也 重令賡什一迴新

鬪牛歌題劉松年畫

畜之善者莫如牛秉坤之德其性柔柔則近馴應無鬪而
胡鬪牛繪者稠韓混戴嵩惠崇不一足而獨畫譜未傳劉

是圖却標松年繪初無名款及印留不知題署為誰氏
傳訛徒以筆墨道戴嵩鬪牛其自鬪牧童指謬笑以訖
韓混寔有集社鬪暗門蓋此粉本求分疆劃界各部伍
長官坐視如運籌車轉擊鼓作進勢閃閃揚鞭督退休
僧道老幼羣助力各不相讓如相讐五溪蠻俗雖有此

毛奇於蠻司合誌稱蠻俗歲時召親串搥銅鼓鬪牛割其負者截角藏之以為雄是卷寓而牛低頭相抵未分勝負傍觀者擊鼓揚鞭雜僧道老幼各區曹耦喧喧助勢備極情態且兩下各有一官坐督雖與奇齡所誌略似而衣冠非蠻製亦無銅鼓按唐韓琬有集社鬪牛圖應為此卷權輿蓋畫家自具神解非規規五溪遺俗也殊此集社衣冠儔繪者自別具神解未分勝負方低頭

謂牛也畫景如是

礪角欲進且伺隙待賈其勇先定謀大

都爭牝弗讓壯遂致變柔成剛流是為畫鬪畫將鬪萬理於是可悟不設其勝負而各定索然之趣誰回眸

題敦素堂

溪俯素為冰稱名實相

入聲

應不波通體靜到底映心澄

既攬泐楣額微嫌懸棟燈

上元前園亭例綴華燈既華則非素矣

敷之化

民俗久道愧何曾

澄虛榭口號

臨湖水榭偶來憑水沍春初尚作冰可識是冰都是水
當前原不礙其澄

抱樸草堂

草堂數典草房為

北樸草堂之構以子園有草房因仿效為之用昭

皇考熱河獅

欽定四庫全書

御製詩五集
卷二十

十一

示儉深急彼實依山此傍池詎曰知仁企合德亦云茅土不

忘思椿梅芳淺春當孟書史趣深幾暇時節近上元懸

綵炬謂斯弗稱

去聲

略慙之

題獅子林十六景

初謂獅林始自倪誰知維則早拈題憐他不忘本師處

者箇猶存方寸分

吳中獅子林世俱傳為倪瓚別業甲辰南迴得徐貢畫獅林景十二幀姚

廉孝跋云貢為元僧雖則三輩弟子如海作乃知以獅林為倪迂別業者訛也又冊中陸深跋維則得法於本中峰本時住天目之獅子巖蓋以識授受之原不忘本師之意也

右獅子林

幼文畫有小飛虹

幼文徐賁字所畫獅林景中有小飛虹圖意與虹橋正合

一例橫

陳玉鏡中春月江南夏塞北

昨歲遊吳中及熱河於獅子林皆有詠

今朝

齊閱畫圖同

右虹橋

燕石幾曾讓湖石

西山玲瓏石不讓太湖石此假山即就近取彼為之乃日下舊聞載明宣

宗廟寒殿記稱金破開封輩艮嶽石至燕京即今之白塔山為花石綱之遺語涉傳會不足信也

壘成

巖壁亦孱顏迂翁應是契真者何事居然疊假山

右假山

春芳最好未昌時舒疊生機已覺熙三歲光陰撚指頃

自癸卯題園中獅林十六景後甲辰乙巳均未題詠彈指已屆三年矣納來景物也如斯

右納景堂

本來高士藏古處古蹟今多高士藏

石渠寶笈中倪瓚畫頗多然真偽各

半因藏數種於此以存其舊

書畫姓名笑何定吳中今閣早歸黃吳

獅子林今為黃氏別業

右清閔閣

文園每值謝花時

臨幸熱河率以夏至後文園藤花已謝

一例初春花未

綻三月於斯看真箇輸斯幻者每成詩

題此處藤架率以初春三月花

開時雖常見而却未留詠

右藤架

假山屹嶮似天成磴道險過乃就平平則可欣險可畏
每於此處驗人情

右磴道

一峯之上孤亭據近景遐觀占以全有願亦惟天下共

於斯所樂不存焉

右占峯亭

向陽每喜憑窓坐陽氣發生靜驗之一缶古梅花幾朵
曰清曰淑會於斯

右清淑齋

香幢維則用供佛所惜其徒代以兵微服夜深訪師處

可憐摩頂愧猶生

陸深跋徐青獅林畫冊後稱道衍輔
永樂成功後還吳夜深微服訪其師

於獅子林師們其頂未蓄髮曰和尚留得此在又云
和尚撇下自己事却管人家事可謂本教中林喝手

右小香幢

從師六歲習芸編

六歲讀書今七十有六矣

稔苒光陰七十年真趣

依然探未得偶憑綈几祇慙然

右探真書屋

書樓久矣額延景試問延來景幾多來去今胥不可得
一心究竟住於何

右延景樓

魚負由來未放船底須韃瘡破冰堅禁之猶事偷開鑿

欽定四庫全書

在學部
卷二十

十四

愚計獻勤亦可憐

春水未泮時內監每私鑿通船以
効獻勤雖禁不止可鄙亦可憐也

右畫舫

湖石叢中築精室偶來憩坐可觀書雲林仍是伊人字
數典依然欲溯初

右雲林石室

碧為林亦復為水林未發枝水尚橫者於軒兩未得
幾先却每得於憑

右橫碧軒

梵壁跨溪當

去聲

圃藩舟行達尾復通源一籌欲勝吳中

彼陸地何曾有水門

吳中獅林無水門
御園較勝彼也

右水門

再詠官窰兩耳壺

薄今厚古見問孰免乎斯觀此髻墾者羣其珍重之準
繩底所論圭璧漫稱竒擬似隱君子不衫不履時

山東巡撫明興奏報得雪詩以誌慰

青齊麥為主昨歲澤猶深

東省最重麥收上年冬至前
後三次得雪各屬均霑於麥

欽定四庫全書

卷二十

苗大有禪益 孰謂纔春入雪霑報好音

據明興奏報省城於正月初六日自丑至

邨得雪積地二寸餘旋據濟南府屬之長清齊河章邱鄒平濟陽禹城長山淄川各稟報均於是日得雪一二

三寸不等秋麥愈藉滋培民情歡慶等語

兆嘉寧弗慰時遠敢忘欽惟是東

西逮此仍

惠未臨

昨據山西奏報新正月初二日得雪茲復據東省奏到惟近畿冬雪雖優而新正未續獲祥霽仍

望殷顒

上元前日宴近支宗室及子孫輩有感而作

熙朝慶節未宜孤始自親親和以愉可識平章建皇極

要惟敦叙握神樞一元雖有待長

上聲彼

元孫載錫方三歲未可入宴行

禮待其六歲讀書即可入宴矣去歲此宴即有編展書房待預元之句

同行

去聲

不無都少

去吾

今余同行弟兄即一二長於予者幸不能行走同宴者皆少於予矣

叔輩斯今不可

見欣然那勝戚然乎

上元燈詞

上元自古推三五六七常逢望辰

每歲上元即或於十六七日始望者

有之今歲正於十五日望名寔尤為相副

今夕都欣名實副舉頭銀魄正團

輪

昨日扶搖暴作涼節前烟火暫教藏東皇恩喜度元夕
試看燈光映月光

爆響新正宣淑氣燈明萬國樂春臺

奉宸每歲例
備烟火名

似他

蓮漏能解事特地今宵慢慢催

漢祠太乙祝農桑鐙火爭輝不夜光
恰喜干支胥兆瑞

乞漿得酒值金穰

是日
庚申

靈臺置望不前後舉首璇霄輪正圓
京兆重行鄉飲酒

順天府鄉飲酒禮二十餘年未經舉行茲特勅府尹等
於上元節舉行是禮並命慎選僧生肄習內所製南陔

白華等笙詩六篇
以昭引年盛典

上元佳話倍增妍

北漢西崑久未賀東瀛南海初隨班

內年蒙古王公及回部等均以上元

節慶於御園正大光明殿賜宴觀燈近歲乃勅朝鮮及琉球使臣一體隨班與宴俾觀王會朝正之盛

春

雷啟蟄同傾聽熙景揚蘇許暢觀

雖是觀燈與衆樂誰何原禁髻環儔宣和襟還誠無謂

乃有竊杯炫女流

宋宣和中上元張燈有夫婦同遊而相失者婦至端門飲賜酒竊懷金杯

衛士察送御前婦口占鷓鴣天詞有竊取金杯作證明之語宮廷禁地振容婦女闌入殊為褻玩本朝例不許

婦女入內觀燈規制實較前代肅清也

金蓮萬朶煥瓊英韓術羸他頃刻榮戛戛陳言已難去
况兼八首例湏成

上元後一日小宴廷臣即事得句

佈惠聯情迓淑春例於翼節宴廷臣
七言授凡七始候
五代同堂五福申天保鹿鳴一宵雅
李仙杜聖兩詩人
問他此事幾經古獨我

崇麻

恩沐

旻

恩沐

旻施我獨深益慙脩遇益增欽子於

父母報罔極君合黔黎念在心咨爾外中治贊者

是日與宴

大學士阿桂等時廣東巡撫孫士毅入覲來京亦令入宴內外大臣均有贊襄治理之責所當仰體朕心痼瘼念切各殷飢溺之思也莫忘飢溺責同仁欽荆南望憐溝壑

去歲安徽

湖北等處被災凡載漕蠲緩撥餉加賑諸務屢降旨該督撫率屬寬心辦理而南望災區定復時屋有肝惟望麥秋有穫而時尚遠雖當度節歡宴不能釋然於懷也節讌雖臨愧不禁

題含經堂

誰弗六經讀一言孰踐含潛心會以默窮理味其甘且
置學優仕當厯行顧談外王本內聖到此每懷慙

淳化軒

初賜畢家本精摹信可憑去真無一間

去聲砌壁有多層

漫議褚馮鮮猶堪杞宋徵顧名曰淳化化俗竟何曾

蘊真齋

真乃假之對蘊則發之本弗蘊發斯窮襟假真非準必

所蘊胥真則發無假允其要在克己四勿言之盡蘊真而發假背道遠堪哂

湛虛書屋

書屋臨池曰湛虛淥波不動澈如如冰時似覺其言爽觀象中孚義啟予

懷新館有會

懷新出陶言蓋以謂良苗初春非其時而其義已包試看天地間物物都含韶含即懷之義韶則新為昭漢詔

絜矩民允為治法標

適性居

性近習相遠宣尼明訓我習蓋發為情一往則相左情
有善不善性善無偏頗於性情言適或可性或不可情
即景深會心聊當銘起坐

融綠堂

坂意林光未潤時始青欲發故遲遲紐芽却以無言喻
融綠何妨自有期

如園

如園本以肖江南

金陵瞻園本明徐達故宅此園即肖其制為之因以名如

淑景金

陵近可探甲第依然說徐達梵宗云是號瞿曇

如未者瞿曇號

也可知空色非二諦慢慢豫遊駐六驂靜室無言坐調

御前三三即後三三

深寧堂

堂據深寧處深寧用以名竹籬徑因遠

深也

苔護砌為平

寧也更有會於已欲胥得在岷然而艱致矣怵惕敢怡情

題白玉如意

水產和闐玉量材尺突長如心成曲項代語示衷腸幻

異釵為鸞珍誠脂是羊震亨長物志不測謬云防

按文震亨

長物志稱如意用以指揮向往或防不測故鍊鐵為之其言不經蓋如意自是禪家所用之物禪家何防不測有之

柯九思墨竹

竹身似屈竹節直自識原稱法極難

九思自識此法極難非積學不能

垂葉却如錦鱗上天然無餌釣魚竿

題宋端石映月硯

一月懸高空有形惟映水著物則不然可悟虛實旨是硯出舊坑色白而側理鵠眼濶於眉相映方池裏其下柱近百柱柱眼堪指是為一印千禪機示此子

題春熙院

萬物到春來無不具熙意此院獨擅名亭帚因名字然吾此偶臨弗喜以愁對向隅古有言況向隅奚啻湖北及安徽淮揚遭旱匱清口倒灌黃以致淤去歲雖亟力

賑蠲詎普蒙實惠吾民豈盡熙顧名厓弗置

納翠軒口號

春初林木未芳榮偶坐寧無默引情方寸之中翠原納
思量軒未負其名

暢襟樓

襟懷在人不在樓樓曰暢之誠暢不王勃序中仍藉俯
彼其勝會誇豪遊至於王粲又殊致美非故土惟增愁
二者於我都無涉暢襟惟在綏豐收綏豐豈其容易得

較晴量雨春復秋春初詎敢期甌窶是以每先天下憂

戲題鶴來軒

養鶴雖高致恐去翦雙羽是乃拂其性未愜鶴心所弗
翦任自然非圖省梁黍翼長旋能飛碧空聽盤翥初去
仍還來名軒以嘉許久之去弗來我初未負汝

題方從義山水小幅

本是方壺羽客狂金門聊作洞天藏

畫中方壺自識作
於金門之小洞天

孤亭小坐延賅處何異三山憶故鄉

九峰歌二十韻題文彭刻凍石硯山章

武夷名實著漢書九曲之稱自朱子一曲必有一峰環九峰之名由是起蔡沈遂以號先生註書不出晦翁軌

用是名者亦已夥與志不可數俚指獨茲九峰乃硯山

復刻為章牘文氏想其燈光遇四筐

見印人傳

老坑珍物獲

累累未必一一中章材

刻章必取方直或圓稍峯形則不可也

異想天開

忽為此一曲勒馬聳臨溪二曲玉女凌雲峙三曲攬石

何破礮四曲李仙高岌義五曲窈窕稱大藏六曲城高

赤城擬七曲蒼屏更殊致八曲魚磻其石碕九曲最深
號靈峰俯拈厥八子孫視上為硯山下卽章無施並用
成雙美或紀歲月或識言壽承於是意深矣玉筋金翦
無弗具巧勿傷纖含至理或云吳閩難縮地盍想山石
名所始一卷原可概萬峯須彌微塵為其柢春風邛上
詠九峰甲辰南巡過揚州九峰園有三
粒原宜句九峯列作圖之句日月爍火誠小
耳置我硯南靜對之活畫不言契妙旨吳公子札品周
樂吾於斯亦云觀止

詠和闐玉周亞壘

和闐玉黦純白畧含青最鄙俗工樣特摹古器形遠

非七以執

謂商父
癸壘

近取亞為銘

謂周
亞壘

伯仲豆登側遐思

姬氏庭

題宋澄泥倣唐石渠硯

石渠漢傳閣唐季琰為硯趙宋又倣之一名凡三見總
以儒林稱慕蘭無妨羨內府舊存唐相證神彩煥煥而
饒穆沕友墨資文翰

署陝甘總督慶桂奏報甘省得雪詩以誌事

蘭州除夕及元正瑞雪繽紛過午晴

慶桂奏報甘肅鞏昌肅州及洮岷高

臺等處各於十二月十五十九二十等日得雪自一二寸至三四寸不等又奏省城自十二月三十日酉時至

正月初一日午時止霰雪紛紛積厚三寸同雲密匝勢甚廣遠等語雖是形家書解厄占驗

家稱日食遇雨雪則解茲甘省雖初一日得雪而京師晴霽不得援以為解惟元旦得雪寔利麥田而近畿惜

未獲普被耳可知是日霽都城一方弗見他方見彼處之氓

此處氓利麥實佳遙為慶而猶因近望怍怍

題知過堂

向陽處必得春早
莩甲旋看綠到莩
自是一元資以始
可欣萬寓與之皆
梅心柳眼侵尋問
江硯宣毫次第排
知過由來貴改過
空言改亦有何佳

自得軒口號

文章千古寸心知

用杜句

自得名軒蓋若斯
試問一心自

何在知其未得定
無疑

觀雲榭

春日觀雲願雲興
夏日觀雲厭雲滯
雲豈於人殊恩怨

春澤夏霑各殊致安得高閒似淵明無心出岫逸興寄
復思與彼不同道合為去聲憂民鮮樂意

得趣書屋

術業誰非六藝攻會來深淺自難同問吾得趣於何是
祇在三謨二典中

自達軒襍興

偶臨自達軒自達引興多理趣貴自達資他終致訛民
隱弗自達不知可得麼又如巖穴隱佳士弗自達者亦

有矣安車空名未可行及至充隱益堪鄙

宋人松軒訪友

有來佳客抱琴隨靜坐松軒似未知謾道主人疎禮貌
神交却不在威儀

題和闐玉觀瀑圖筆筒

水玉出和闐專諸巧匠鐫

蘇州玉匠多出專諸巷

喜他棄俗式堪

此佐文筵觀瀑幽人獨背囊僮子聯拈毫如有詠興必
助言泉

詠宋定窯乳槌瓶

定州久矣無陶竈紀載千年那易詳
爾日頗嫌饒火氣
老學菴筆記故都時定器不入禁中惟用汝器以定器有芒也蓋爾時花甕紅玉尚覺火氣未除今則定州久無陶器其什一僅存者
古澤畔穆堪為珍品云
此時早覺泯光芒

節後萬壽山於靜佳齋有作

慶節燈筵次第排
節踰得暇至山齋
因思有作動成擾
可識無過靜實佳
況是千林未謀目
莫如一卷足怡懷
片時緜几命與去
餐飫那知味道差

袖嵐書屋

芸窓正向西西山色呈秀遊目宜筆墨騁懷悅襟袖暨
峰與橫嶺一例如來就吾更有遐思萬方胥在宥一民

弗得所是則誰之咎

叶災區雖加賑

上年安徽湖北反
淮徐等屬被災雖

屢經降旨加展賑期而麥秋尚
遠青黃不接之際實深健念

溝壑那盡救恤恒自

羞將近青黃候

養雲軒口號

昨冬三白欣稠遇開歲微嫌彌月晴寄語空空養雲者

放教膚寸作祥雲

對鷗舫有會

舟有時而名居屋有時而名舫可知名者實之賓實猶
無定名那有定狀敞軒臨昆明漪瀾碧波漾對鷗取其
閒鷗閒我無閒也諒朝乾夕惕猶恐或懈弛偶寓意耳
於此敢心放

留佳亭

西湖山居額留餘

西湖陶莊舊名勾留處前南
巡時經臨賜名留餘山居

此亭却

以留佳號名雖殊而其實同謙益滿損具義奧斯時春
尚未形形於醞釀中可觀微設如紅紫酣昌昌轉覺可
憐亦何妙

題繪芳堂

一日復一日立春半月羸條風漸向暖和旭欲剪榮隄
柳黃金裊盆梅白玉爭萬芳原自繪堂適擅其名

含新亭

柳漸舒黃蕪漸青含新且漫放薰馨惜陰意即近道語

孰謂逢之於是亭

題圓朗齋

山水智仁樂仁圓而智朗斯齋山水間名齋出想像然

而圓朗義所包實甚廣必也體仁智安斯利斯兩

本年春仲

經筵當講仁者安仁智者利仁句適臨斯齋因而有會即發明其義為論渠寧此豫遊觸景

學勉強

懷新書屋口號

屋額泉明句裏辭良苗却未逮其時繫予絜矩懷深戒

風尚恐流新與奇

卷二十

香岫室

靜室依岫窟窈深取自然莊嚴渾不藉清淨有餘便宜
以居開士於焉習適禪髮來還疾去五字促成篇

翠籟亭

林翠猶然未張去聲時後凋松柏色無移小亭偶坐聞清
籟適副其名故若斯

題王希孟千里江山卷

江山千里望無垠元氣淋漓運以神北宋院誠鮮二本

三唐法總弗多皴可驚當世王和趙

王希孟是米畫千里江山後有薄光

一跋題云設色鮮明布置宏遠使王晉卿趙千里見之亦當短氣按李溥光本為頭陀號雪菴和尚大德中詔

蓄髮授昭文

館大學士

已訝一堂君若臣

此米蔡京題云政和三年王希孟年十八歲名

入禁中數獻畫上親授其法不踰半歲進此圖上以賜臣京謂天下士在作之而已

曷不自思作

人者爾時調鼎是何人

詠白玉素如意

白色已標素曰素非重儷世降人心巧爭奇炫新裁曾

謂玉之厄

邇來俗工製器每為時樣翻新牟利以致斷損良材定為可惜曾於詠和聞玉斧珮有斯

亦玉之厄之句

孤負球琳材侵尋至如意種種增華非開士指揮物豈宜如是哉概令斲其雕返樸還厥胚乃合代語器起予商也該

官窰盤子

官窰盤子六釘存火色消沈古色溫底識是誰曾磨去

底中心圓而無軸者大於錢又不見泥質蓋經人題識而復磨去者不礙其為全器也恰如有待

泐斯言

浙江巡撫福崧奏報得雪詩以誌事

年前南方率霑雪新正北省亦有報

上年江浙安徽等省均於冬臘得雪

自數寸至盈尺不等新正山東山西陝甘各督撫復據陸續奏報得雪寔為欣慰

惟是近畿尚

冀

恩所幸冬臘澤深浩

叶京師及近畿自入新正未未雪澤所幸上年臘雪深透麥田

滋潤此後春膏接續尚可稍待也

今朝喜接方伯奏杭城優被春霽妙

續紛融化不計寸積地尚餘四寸告

據福崧奏報浙江通省均於十二月

廿六七八等日普過得雪自五六寸至七八寸不等茲省城地方復於正月初六日自子至巳大雪續紛除融

化外高下田疇積厚三四
寸不等洵於二麥有裨
先是蘇城亦馳章六出瑞同

浙如約

蘇州署布政使事長麟織造四德奏報於正月
初六日得雪三四寸與浙省所奏得雪日期分

寸相等時巡撫聞鶚元往勘淮徐賑務該二府曾
否得雪尚未據報到因降旨馳詢令其迅速查奏蘇杭

昨歲胥偏災獲此庶可麥秋兆
叶淮徐尚盼遞佳音災

重於南農更要

昨接薩載奏據蘇常兩屬元和長洲等
十四縣均稟報於正月初六日得雪二

三四寸不等而淮徐一帶是否均霑尚未據奏及
該處較之蘇杭望澤尤殷披覽之餘彌增縫念
披疏

慰不抵憂多遠近同一同雲眺

正月廿八日自永寧寺由大西門外取道至泉宗

廟傳饒因而進宮觸目即事得詩八首

宴賚燈宵半月餘事竣還蹕逮齋居

仲春祭社稷壇率在二月上澣

茲應入宮齋戒如斯幾十年一例幾十年渾一瞥如

慈輿恭送返前園

向年新正慶節已過恭送駕返暢春園每歲遵行遂為常例慈寧

五十歲前例視原

爾時年方壯初不介意也近六旬常意不捨余年近六

十時

聖母壽

望八慶節之後將奉

慈輿返暢

春園每心懷德戀是以壬辰詩有原是內年行慣例通

來祇覺意拳然之句今迴思即

此不捨之意亦無所之施矣而今不捨向誰言

梵寺御園斯鼻祖

此寺在大西門外建於康熙年辦香新歲每常經

聖人深意興黃教

恩示外藩期永寧

永寧寺額為日振興黃教又安中外期於萬禩永

皇祖御筆

當

寧敬仰

聖意至為深遠是以癸卯詩有因之題名意安莫窳區在戶庭之句

大西門迴亘長樓閣射宏規

聖祖留屢中亦曾詩紀事

戊辰九月於大西門較射發二十矢中十有九因用齊台

南韻成詩四首勒於碑屏已巳孟夏射是日十中其九破的者三仍疊韻紀事

聖母御樓觀丁丑九月秋

獨迴蹕問

安之次引見樓下復命射屢中後懸的最小者亦再破之時適哈薩克使臣預觀班末復三疊

前韻

罷因臂病久含羞

齋名無逸

奎文煥問

寢餘常傳曉餐旬歲不重臨一憩隔牆遙見輒心寒
書屋西園隔一溪向年視事每留題亦成十載夢中事
林樹煙蒼望欲迷

左右稻塍新水柔盈科輸灌自南流初春農事未舉趾

馭娑徐行過八溝

已溝俗又
稱八溝

水源建廟曰泉宗歲久龍鱗作砌松漫擬亭軒多點綴

疏治

平聲

意本重因農

題樂清館

書館臨溪稱樂清顧名思義義誠精治官廉以弊六計

廉亦清也

脩己澹應靜七情

澹亦清也

亦戒深耽忘

去聲

無逸

清而有為

尚矣一切耽清亦非無逸之道也

底須苛察以為明

水至清則無魚萬亦不可不思

年國號於斯在永祝雍熙豫庶氓

挹源書屋有懷

泉宗

廟名

即是泉源處祠側便為書屋名內聖常思學源

究外王恒切政宗平由來放卷

放之則彌六合卷之則
退藏於密出程子中庸

序語吾胥愧安望紀綱其有成點綴漫疑因悅目鉤深每

用惕衷情

向綠軒

徙倚軒前有所思畫情疑對李成枝

石渠寶笈有
小寒林圖

莫嫌

發葉遲庭樹已是當春向綠時

扇溥室有懷

室肖江南樣題額楫間置雖因綴景為然每思其義百

里風不同千里俗已異斯民三代民日下誰所致君難

觸處難扇

平聲

淳言豈易

依綠軒

人孰能無念念必有所依依則合於正不應依乎私此
軒曰依綠正私兩俱非徒因嘉蔭下取名偶題之是時
林未綠軒似依失其軒失依何害會有林綠時民失依
豈可我罪其奚辭是以抱恫瘝惻然日孜孜

輝淵樹口號

輝淵意取媚川珠莫訝圓流產蚌無試看濺波飛錯落
明明百琲豈殊乎

題抑齋

重華東壁圖書架

重華宮之兩廂東為古香齋貯古今圖書集成西為抑齋貯內時所題名

也戶對西齋翰墨茵憶昔窮經資饗飫即今勤政敢逡

巡

右壇祈歲逮齋日

將祀壇因進宮

社稷

左殿崇文集講臣

太和

殿之左為文華殿右乃進講所

賜宴命教歌抑戒

經筵後例

賜講官宴而無樂侑席茲特命樂工歌大雅抑戒之章遂以為例予於清暇亦時命歌以聽之且自戒也老

來昂欲武公循

題木刻耕織圖屏

工商新樣日求工雅俗其間自不同誰曰雕文傷農事
試看刻木繪幽風

右耕

本因程榮摹樓璘傳會又傳劉氏

松年圖

石渠寶笈所存程榮摹樓璘耕

作識織二圖押縫間皆有徽甫隨齋二印按程榮字儀甫號隨齋其圖為程榮摹本無疑乃圖內有松年筆三

字筆力既弱又無印記蓋後人因劉松年曾進耕織圖從而傳會遂致以訛傳訛己丑年題是圖并有序為之前此之誤訂訛義寔匠氏於斯繪刀筆重農無及重桑夫

右織

洛神賦題句

愷之洛神賦前後兩成駢

石渠寶笈舊藏顧愷之畫洛神後有趙孟頫補書賦茲復

得洛神一表題為愷之畫而於圖中分段書賦語或稱王獻之書或稱愷之自書亦無定說

非喻積

新後重徵數典前舊

謂前

原訝縹緲

舊卷辛酉年題句本以為長康真蹟

及己巳年復加審定且以內府藏愷之女史箴比較其神味渾穆筆趣殊異然此雖非顧畫要為宋以前名手

欽定四庫全書

蘇軾詩五集
卷二十

三十五

無疑卷末吳興書洛神賦亦屬後人摹本因新謂後更
重加題識並臨大令十三行於後以誌欣賞新得者更

致疑然與舊本不合且有補綴痕其後段雖相似而遺

脫明珠翠羽二句蓋亦宋元間臨本而脫落補緝不若舊卷完好也別卷李家蹟何標陳

代年石渠又有白描洛神賦一摹與新舊兩卷大略仿
佛王澐汪士鋐跋為李公麟摹本其所括僅伯時

龍眠朱墨二印並無公麟名款且卷中徐僧權等六人
及天嘉二年月日乃陳文帝年號僧權等亦皆梁陳時

人安得於公麟白描允非也粉本曹誠馬此卷與公麟
畫卷中署名乎

類或顧愔之原有是圖後人相傳粉本新舊卷均從此
脫胎亦未可定雖非長康真面然筆墨橫素深秀古雅

迥越近代亦堪珍貴因併存
分弄各書此詩以為訂正
總出隋唐上堪珍元宋傳

雖非常侍體可擬步兵肩綈几幾餘鑒石渠佳話詮底
須求刻劍堪以玩浮川


用賦中語

一合函三相神傳會道筌

題和闐玉東籬種菊圖

陶令歸來步三徑倚松漑菊課童奴寫圖設以玉相較
有過之無不及乎

御製詩五集卷二十



欽定四庫全書

集部

御製詩五集卷二十一

欽定四庫全書

御製詩五集卷二十一

古今體九十八首

丙午三

祭

社稷壇齋居養心殿作

節慶甫云畢還宮肅三齋張燈過闌獸變食喜靜皆几

南郊大齋遷居齋宮忌用辛辣若廟社理之齋則在養心殿齋居雖弗忌辛辣亦不用生葱韭

事亦如常引見掄弼諧是日引見一百三十餘人春雲時作止祈

佑甘雪佳蘇杭知渥霑淮徐音尚乖荆歙尤繾念去歲
逢旱灾齋當清淨心奈愁紛縈懷

詠宋官窰八方餅

邵局倣東京官窰因得名兼隅同卦列守口匹如城可
以事觀世盖云餅寓平爾時南北判何謂八方并

春祭

社稷壇禮成述事

兩歲闕躬與

甲辰南巡乙巳叛行辟
雍禮皆未得躬詣此祭

一心增悚虔

方壇擬圻澤

祈穀籲民天禮玉圭有卣升饗豆及籩九州胥

在宥甘雨望霑全

通典立社之法蓋各就其地而論之予以為天子治四海則天子之

社於四海宜無不在宥昨歲南北各省冬雪雖獲均霑而新春奏報雨雪者惟山西山東陝甘浙江諸省近畿及淮徐等處尚未奏得雨雪京師之社為萬方求福報功惟籲春膏普霈粒我烝民耳

題春耦齋

祈春致祭

右壇迴路轉西華西苑來一以更衣取途便

換祭服兼傳膳辦事

遂因視圃望膏培

春耦齋在豐澤園中

皇考演耕藉之所也

詳見向

年記

雖遲舉趾二之日

北方氣寒况甫二月四日尚未興鋤耕作也

惟冀如

雲多以該南望昨年經旱處顓霑優澤益殷哉

上年安徽湖北

及淮徐山東河南等被旱處所今春尚未得雨雪已傳諭各該督撫虔誠祈禱迅速復奏願望日益深切

鑑古堂有會

學者之鑑古無過淑其身帝王之鑑古乃以福萬民其量殊小大即境切已循庸詎誇強識豈徒資博聞吾將反之約典謨良具陳

鏡光亭口號

亭以臨湖號鏡光鏡原非鏡偶相方輸他八柱無知識
不照之中照有常

題勤政殿

御園及山莊殿胥勤政名

是處檐額其圓明園萬壽山清漪園香

皇祖所御題

山靜宜園及避暑山莊凡聽政之所均以勤政名之實數典於此

數典實於茲

皇祖額煥楹敢不勅

天命敢不念民生戒忽忽以怠勿察察為明寄言聰聽

者經權在敬誠

懷遠齋有會

敞軒額懷遠懷遠義可思豈其因目前騁望景得宜上之

祖宗業守器承開基下之孫曾謀燕翼視所詒縱橫寰宇中都祝雨暘時一夫不獲所予責其奚辭邊疆雖擴開安靖念在茲以此方寸中片刻無寧期懷遠詎易言怵惕興齋咨

待月軒

趵臺左側軒向東復近水因之名待月綴景斯可耳曉
魄或恒披夕蟾曾未視笑謂楣間額何妨孤負爾

補桐書屋

書屋補桐昔所名

予昔年曾於此讀書庭有雙梧一為風雨所摧甲子歲命補植之因頗為

補桐書屋

迭為賓主幾番更樹猶如此仲文語細咀味之覺

有情

藻韻樓

樓傍

去聲

涵元殿多年藻韻顏志言要歸正麗句却須刪

牕几方臨淑經書可棄閒二南千古化祇以性情關

蘭室

雖非枝葉嗅皆香

離騷所謂蘭即都梁香草蓋枝葉皆香燥濕不變故可刈而為佩今世人

所謂蘭花雖香而葉乃無氣自宋以後沿訛不察往往即指建蘭為離騷之蘭朱子楚辭辨證言之甚悉近因詳考始知其誤

亦豈深林不變芳

家語幽蘭生於深林不以無人而不芳

今古畫

蘭率五出呼從其俗正何妨

題均蜜椀

均窰都出脩內司至今盤多椀艱致內府藏盤近數百
椀則晨星見一二何物不可窮其理椀大難藏盤小易
於斯亦當知懼哉愈大愈難守其器

吳彬十八應真圖歌

貫休十八應真圖

秘殿珠林舊藏唐貫休
畫應真像向曾題贊

文中斯別開

生面形狀竒怪夙所稱

見圖繪
寶鑑

耳熟聞之目新見蒼鱗

若龍若非龍擎爪來聞法以現

此

應器即
鉢也

鴉鵲來餐香積飯

第二

飄然白鶴駕以降屈眴

此

大細布

七條披已慣

第三

數珠在手

第四

把明珠

第五

自搖筴其

貌顚頂

叶第六

端立左鈴而右杵

第七

扶童者迴顧彼岸

第八

是皆渡海履水物水物猙獰名不辨伯持貝葉

第九

仲舍

羅

此云壽也第十

白澤曳輪坐以晏別有袖手乘騫槎

第十

相

參法喜作佳伴據石入定若無入

第十二

牛哀跪伏如猫

拳傍見共諮二大士其一默坐

第十三

一持扇

第十四

似步

而迴更迴顧

第十五

臃腫披緇目光炫

第十六

跏趺相對談

二禪云空

第十七

云色

第十八

色空幻是為不二法之宗繡

佛居士

號彬之

說法徧向曾韻統考同文位號次第訂梵

漢

震旦所稱十六十八羅漢傳聞異辭向曾詢之章嘉呼圖克圖因證以法住記及納璽翕傳定為十六應

真而以同文韻統合音字正其名號及位次前後嗣因贊賈休十八羅漢多二像則世所謂降龍伏虎者詢之

章嘉一為嘎蘿巴尊者一為納璽密翕尊者乃知西域

十六應真外原有此二尊者以具大神通法力亦得阿

羅漢名云詳見題賈休十八羅漢贊識語今彬此圖前

後位次并應真手印與西番像多不相合亦未標識名

號蓋畫家臆想結撰自開生面原不能彙證梵漢考據

精詳也即東坡十八羅漢贊所題名字亦多屬影響要

於羅漢顯示圓通隨指應現不

著色相之義固可並存無碍耳

莆田畫者不羈士傳神

何礙後前舛

叶

長歌笑我尚拘墟山陰訝似鏡中按

吳彬

欽定四庫全書

御製詩五集
卷二十一

六

有山陰道中圖亦絕
技也曾長歌題之

題和聞玉楓林停車圖

紅於二月楓林景飛作幻春非減春杜牧之方裴叔則
也應一例玉為人

春仲經筵

昨歲辟雍行創禮文華常例未重觀仲春於是典學業
稽古依然咨講官安利乎仁知平聲利次修和為政致和

難是日所講書論語仁者安仁知者利仁尚書正德利
用厚生惟和之句朕著論以為願淵安仁子貢利仁

及修六府似易和三事為難謂兩賜更教侑宴歌抑戒
之和非人力所能致也詳見論文
向年經筵畢賜講官等宴無樂侑席茲自本年為始特
命於經筵宴內歌抑戒用古樂宮商角徵羽音律頒之
樂部永遠奉行
勉效武公敢自寬

經筵畢文淵閣賜茶有作

御罷經筵例賜茶崇儒

恩諭特為加

經筵向無賜茶例雍正年間
皇考命增此典

文淵閣合敷茵

坐

向即於文華殿賜茶因
築文淵閣成遂移於此

稽古義非梯几賒口說躬行

須有別都俞吁咈莫爭差芸櫛四庫收誠富鑠仰無能

喟自嗟

丁雲鵬盧仝煮茶圖

綠蕉翠竹佈清陰
火候武文自酌斟
高致雅宜入圖畫
不須重讀彼狂吟

詠桃榔木盃

盈尺桃榔木
剝根盃作圓
規三含太極得
一具寥天為
想參霄迴
那盤故土堅
大椿今豈在
成器亦堪傳

題玉鏤天祿校書圖

校書天祿漢王孫太乙來臨藜照論開闢以前書既授
今何其事一無存

題王翬萬頃滄波小景

石谷曾收十萬圖何人粉本此重摹無端掛一偽為是
正叔詩兼補以誣

石渠向藏王翬十萬圖真蹟續又得是冊內九幀圖
名結構俱合惟此第二幀萬頃滄波布景殊異蓋屬
摹本故畧更面目並偽作南田題句耳因定為次等

止題是幅其題真蹟各詩命董誥分書各幀之上並識

湖廣總督特成額等奏報得雨詩以誌事

去年旱南方荆歛為尤甚再斯信難當切冀春收稔近

經馳諭問

昨以湖北安徽河南及江蘇之淮徐等處新春未報雨雪深為繼念降旨馳詢令其迅速

覆奏早報優膏浸

叶特成額未接馳諭之問即奏報省城於正月二十一日至二十三日連沛

春膏入土五寸近郊麥苗豆蔬青蔥榮茂並據漢陽黃州等府屬稟報相同

幸荆仍塵歛一

慰一愁慄山左稱可待

茲據明興奏去冬合屬得雪三次麥根滋潤入春後歷城等九

州縣得雪二三寸雖未普遍體察情
形尚堪少待現在亦虔誠齋禱等語
淮徐豫未審湖北

春雨可為額手而安徽及淮徐河南等處尚未據奏報
其是否同霑渥澤復降旨馳詢該督撫等令其速行奏

報

萬民胥赤子無不悃瘝朕近畿亦望澤終風妒雲淪

或因臘雪佳慰以忘慙恁

近畿去歲冬臘之雪深透為數年所稀有或予慶慰過甚

而稍弛敬念以致今春新澤乎深用自艾益切顒祈

自責籲

天庥午夜弗安寢

安徽巡撫書麟奏報得雨詩以誌事

正廩歛雨否何幸喜音通

據書麟奏報安慶省城於正月二十三日自丑至寅得

雨晝夜連綿入土四寸麥苗菜豆均資長寸計三而四
發並據近省各屬稟報得雨三四寸不等

澤由西及東

安省報得雨四寸其近省各屬三四寸不
等昨據特成額奏湖北武昌於廿一廿三

等日得雨五寸較安徽早一二日蓋雨勢起自楚省
是以分寸較優逮由西而東至安徽則分寸漸減矣淮

徐固當小

淮徐又在安省之東昨據薩載奏江寧蘇松
常揚及太倉通州各屬均於正月廿三四五

日得雨二三四五六寸不等而清江浦及淮徐屬之山
陽桃源等縣僅得雨一寸是雨勢自西而東至淮徐更

漸小
宵旰更殷忡不敢稱欣慰去年慰憶空

上年書麟
奏報安省

於二月初旬連得密雨入土深透乃因夏秋後雨水短
少以致收成歉薄此時雖據奏報春雨未敢遽以為慰
也

詠雙耳官窰餅

脩內器猶在閱年六百賒雖輸銅暈綠

三代青綠餅疊甚夥以銅堅於

楚漫擬玉無瑕

官窰雖微有冰裂紋不似哥窰之百圾破也

古以資盛酒今

惟用插花提攜便雙耳聰達緬重華

仲春幸南苑小駐蹕之作

南苑曾無廿里賒

自午門至南苑北紅門繞十五里

平明清蹕出闥閭

春蒐閱歲又三歲

壬寅至今丙午又過三歲矣

孫輩成家凡幾家

此數

年間孫輩成家又五家既已長成欲因小獵親試其弓馬也

欲試武功工控縱詎寧

文藝翊風華

皇子皇孫輩不患其不文但患其忘武

所為汲汲思親率畧

愧長年力不加

瞻謁

元靈宮有作

順治丁酉建閱茲百歲深

蕭臺垂肅肅古樹鬱森森修葺凡幾度

元靈宮建於順治十四年

丁酉歲至康熙雍正年間蓋經屢葺
乾隆三年二十八年復經兩次修理

繼繩本一心

元宮赫靈鑒對越益增欽

永慕寺

永慕

孝莊

仁祖建

是寺乃建故甲申年詩有

皇祖時因祝釐

永慕建

太皇太后所

康熙

孝莊虔祝

誠祈

釐之句

恩佑

憲皇營

暢春園恩佑寺則考為

皇祖薦福所建

慎終追遠昌其極

欽定四庫全書

御製詩五集

十一

祖憶

宗思述以并

丁酉年為側故瞻禮詩云慕述

聖母建恩慕寺於恩佑寺祖分恩述

宗所以誌紹承

家法之意

南苑斯增即境憾前園徒憶侍

顏情

暢春園亦稱前園

辦香調御瞻合掌難悟無生及有生

舊衙門行宮作

春蒐收獵騎宿頓向平原本自知熟徑便因憩舊軒清

時作行館明季乃衙門

舊衙門乃明季太監提督南海子者所居其時朝政不綱致闡

寺擅權營構闕壯號稱衙門茲仍其舊名亦足存鑒戒也

不必其名易於中鑒戒存

題穿楊玉鞮

述古由基鞮刻圖穿楊說已辨其誣

國策稱養由基去楊葉百步而射之

百發百中楊葉寬長僅分寸計於衆葉中指其一點殊識之即離婁之明不能辨安能百發百中蓋謂中一楊樹耳向嘗著穿楊說詳辨其誣設如指葉期必中盡信書曾不若無

錦雲良駿歌

甲辰之秋獵木蘭一箭曾以殪雙鹿

圓中雙鹿並馳射中箭穿中其並馳

者亦

乙巳之秋獵木蘭驚麇奔迸穿馬腹

麇自馬腹下穿四足而過

而馬穩馳如常並弗驚軼

是皆御此錦雲駿合以為圖紀俊獨中鹿

飛馳乃其常慮近乎誇吟興束

甲辰並未成詠

麈過弗驚則真

馴可闕長言詠英躅

去歲自木蘭迴蹕方命畫院為圖今始成攜至南苑因成是什即

今南苑小試蒐何異清道後馳逐驥不稱力稱其德駿
有之哉越凡畜老年大異壯年時弗待諫知弗及夙然
因即事憶相如寧渠興軒增面恧

南紅門行宮對雪

昨日雲而霾噴土望雪侵尋成望雨入夜澄霽曉復雲
踊懼作風風未吐雲漸深沉氣潤溽為雨固佳雪仍可

叶自辰集霰一兩零遂飄玉花鋪平楚濛濛時密亦時
疎歷午達申勢益鼓行宮坐對至酉牌勢將入夜澤其
普慰哉復慮慰隣驕近日正望雨雪適接特成額報雨誌事詩有云或因臘雪佳慰以忘
懃懃蓋因去歲冬臘之雪深透或予慶慰過甚而因弛
敬念以致今春新澤乎昨日自辰至酉密雪優霑於午
未時尚不敢成此什恐澤未足而慰隣驕也直至酉未
劉土視之潤及五寸乃援筆得句以不可不識此雪耳
一端可見君難語

江蘇巡撫閔鶚元奏報得雨詩以誌事

飛章得雨報蘇州

據閔鶚元奏蘇州省城自正月廿三日戌刻至廿四日亥刻得雨六寸有

餘入土深透二麥春花咸資長發並據附近之蘇常各屬稟報同時得雨五寸有餘農民歡慶又據馳奏是日江寧松江常州鎮江揚州通州各屬陸續報得雨二三四五六寸不等惟淮北得雨僅止一寸較比安

徽霈倍優祇惜淮徐隅尚向

廿三四日之雨江蘇較優於安徽蓋雨勢自西及東

而東南又優於東北淮徐一帶未免尚抱向隅耳

兼聞河洛澤非周

同日又據畢沅奏汝

寧光州二屬稟報於廿三四日得雨二三寸其餘尚未報到現在結壇祈禱是東北不如東南矣

無非

民也胥塵念設曰慰哉那抵愁京兆奏稱霑六寸

據順天府

奏二月十二日京師自辰至戌得雪六寸又據劉我奏保定省城自寅至巳得雪三寸其餘各屬尚未據報到惟望續多多益善豈辭稠

晚發南紅門欲駐蹕團河行宮時春雲尚密鋪設更優霈

佳益

團河行宮作

密雲猶自戀春朝
行館都無廿里遙
積雪郊原因罷獵
淦烟林木足供謠
弗孤構築一宵宿
聊答景光七字調
庚子壬寅茲丙午
五年瞬息片時消

題璇源堂

行蘄團河上璇源
因號堂匯成玉湖
濶流去鳳河長圖
藉益清力兼資利
運方

團河於乾隆四十二年疏濬開拓東南流出南苑為鳳河之源

又東南流入淀池藉以滌永定河撥船並添設自天津之濁共由大清河入海兼資利運至通州向例漕船遇淺時雇民船撥運俗謂之剝船誤也上年因長蘆鹽政徵瑞之請勅下江西湖廣督撫官造船千二百隻撥運漕糧其民船即可受雇商民兩有裨益又撥向沿寓剝然詳繹字義應書撥為是莫匪

惠民商

鑒止書屋有會

書屋近臨水因名曰鑒止是雖即景乎而應會實理知進不知退亢龍所以否鑒而知其止不失正斯美設云舉其事繁不可俚指

晴

曉尚濃雲午放晴未成續霈惜猶生適吟鑒止如何會

不知足誠貪者情

貪非受賄而已凡不知足皆貪也

自團河行宮乘輿至新衙門行宮襍詠四首

晚晴問夜五更陰密雪霏空薄冷侵積地寸餘曉放霽

曰欣曰惜兩縈心

春寒雪後合乘輿奏語曰俞弗弗諸

十四日丑寅間復雪晨起即止御前

大臣等以春寒請乘輿因命罷獵就道而行

自顧古稀應願養習勞豈必過

勤子

依然七萃備春蒐凍滑郊原恣命收却以長上年脚罷

獵非關遇雨學文侯

行宮近十里而餘淨几明窓適憩居五十年来欣戚事

消閒觀遍壁間書

謁妙應寺題句

小菟南苑駕言旋蹕入西城取路便因謁龍宮稱妙應

南苑小駐迴蹕進阜城門路便謁妙應寺拈香迴思雁塔現耆筵昨午正月初六日賜千叟

宴時妙應寺塔頂輪下懸有哈達哈達者蒙古語謂奉
佛吉祥製帛也塔高二十餘丈非人力所能升都人遠
近瞻禮外藩王公及各國使臣虔誠膜拜
咸謂佛力神通不可思議曾有詩紀事
秉誠瞻禮無

央衆紀事吟哦七字篇如故法輪收瑞帛

茲瞻禮妙應寺法輪如故

而瑞帛因經歲風雨則已不見所謂色
即是空真妄胥幻亦不二妙諦者乎

示真實際色空

蠲

河東總河蘭第錫奏報得雨詩以誌事

雪否心乎塵豫疆河臣忽報雨蘭陽無非民事應先奏

因閱隄工未致詳

蘭第錫奏自濟寧查工至蘭陽於二月十一日戌時至次日午時細雨綿

密間以微雪徹夜不息入土四寸同雲廣佈麥田暢茂
等語蘭第錫不兼巡撫地方有司非所轄是以僅奏所
過情形未能詳別府
霰集煙濛密達午麥畦薶町茂抽
州縣雨雪得否也

芒開封百里應同被眼望詳陳安撫章

開封省城距蘭陽百里應同時

被澤惟望撫臣
畢沅報章之至

河南巡撫畢沅奏報得雨詩以誌慰

正念開封澤若何翼辰章遞喜音多旬宣詣嶽誠求水

安撫設壇虔致和

據畢沅奏今布政使江蘭躬詣嵩嶽廟請水該撫率同城文武官員虔誠

祈禱即於二月十一日酉刻濃陰密布霑濡竟夜至十二日清晨雨雪交下入土深透現尚未止雨意正寬分

查四鄉一律霑足並已據南陽汝寧光州各稟報正月廿三四二月初六七等日得雨二三寸不等可為欣慰總為農民資稼穡幸邀

天澤霑滂沱手加額一欣一懼河北詢曾遍被厯

是日河北

衛輝一帶曾否均霑尚未據該撫奏及即批諭令其迅速覆奏

過盧溝橋有序

盧溝橋建自金明昌間厯元迄明屢經整葺我

皇祖於己酉年

皇考於壬子年復加葺治長橋綿亘經涂蕩平閱今又

將六十年橋西二洞孔云有垂下似網兜又橋面
及兩陁亦有稍圯裂者大臣和坤等勘明重葺易
甃新石並於橋東西兩陁加長石道凡新舊百四
十三丈發帑和雇以乙巳秋蠲吉興工至丙午春
工竣茲恭謁

泰陵展禮五臺蹕路經臨石梁輦峙萬方歸極九軌同
亨此亦余知過論所云不可已者也因賦五言勒
石以紀

謁

陵因禮佛啓蹕西南行長橋亘盧溝路接拱極城往來
之通衢建金修元明

康熙己酉年

雍正壬子并胥曾以時葺行旅歌途亨今復六十歲石

版或圯傾發帑給雇值曾弗力役征

明正統元年命工部侍郎李庸修葺

庸請令宛平縣自石徑山至盧溝橋役民興作又四年小屯廠西隄決發附近丁夫脩築又弘治三年修築盧溝橋其時並役用民力未有如我朝內外大輕輿過橋小工程悉發帑和雇從不肯輕役一人也

上大工已告成知過論有言不可已者仍

論語觀過知仁又過而不

改是謂過矣余向著知過論以不知過其失小過而不改又從而為之辭其失大繼自今予惟視其不可已者仍酌行之其介於可已不可已之間者率已之而已耳茲盧溝橋為國門往來通衢發帑修葺又豈事之可已乎者

五字同碑記以勒石之貞

良鄉縣行宮即事疊辛丑詩韻

閱時思謁

鼎

癸卯春謁至今已閱二年矣

泰陵

撰日發行輿陟岵心恒切隙駒

語豈虛五臺因便往

謁

即詣五

臺禮成後

別館且停居即

事賡前韻

辛丑詩蓋由此幸五臺之作至今又隔五年矣

五年一瞬如

江南總督薩載等奏報淮安得雨詩以誌事

久繾淮安澤未及飛章幸報渥

恩覃連朝繼夜優膏霈麥穎黍苗蘇意舍謾頌辦香申

悃達

因淮徐海一帶缺雨特遣御前侍衛阿彌達馳赴該處會同薩載李奉翰等恭詣河神廟及淮

濟諸祠虔誠告祭茲據阿彌達會同薩載等奏稱二月十一日齊集陶莊清口各神祠敬上御香虔禱該處即於十二三等日稠雨疊霈先後入土八寸土脈滋潤二麥暢發湖水漸增仰賴至誠感格上邀神佑等語因即批諭何必為此頌言秋成應知旰食切懷慙更虛尚遠當共勵誠敬不可自滿

徐海可均被仍令詳陳馳驛驂

淮安雖得雨八寸而徐州海州各屬是否一律

普霑仍切焦勞當即馳諭令其據實速奏又是日據書麟奏報安省各屬雨水情形或僅止一二寸或微雨不成分寸並有尚未得雨之處甚切焦思並馳諭令其查明迅速奏聞

半壁店行宮題句疊癸卯詩韻

行館山坡處天然土作階渠

去聲

寧祇容膝實足愜閒懷

意蓋含春紐心芽契道茲摘詞去繭句積健以為佳

河南巡撫畢沅續報通省均霑渥澤詩以誌慰

隔日中州遞驛章河南北普被

恩穰

昨畢沅奏報十一二日省城雨雪優霑之後今日復據馳奏十二日已刻至戌祥霽益霽隨融

入土深透十四日午刻復雪連宵達旦十五日雪勢愈大比前更為深厚通計優霑至四日之久現據開封河南歸德南陽汝寧陳州衛輝懷慶彰德陝州許州汝州等各屬均報於二月十一二日暨十四五日得有雨雪自三四寸至五六寸不等此次春膏通省普被麥苗長發即高粱棉花以及早秋等項均可翻犁播種等語

雨絲雪片霑膏遍麥壟黍田興耒忙

天德好生不遺物人生有賴實稱祥立言未免隣過頌

畢沅奏有春田定慶豐登及深仁厚澤感召庶和之語立言過當因即批諭濟災之後不可為此滿足之言以之慎之敬之秋正長

欽定四庫全書

御製詩五集
卷二十一

二十

六文以無言聲氣反尋句奇人志志

安孫巡撫書劄奏幸得同言以言展

南省率蒙澤亦曾報歛徽幾州仍望切四寸略云稀

麟書

前次奏報安慶省城於正月廿三四日得雨四寸其近省各屬亦有霑三四寸不等者

茲乃稱透

足

茲據書麟馳奏二月初七初九初十及十一等日省城又連得雨澤自十二起連朝徹夜細雨斷續相間

至十五日更加綿密入土十分深透現猶未止此次陰雨連綿勢甚廣遠可期一律優霑並據近省之桐城等

各州縣均報於十一二日得雨相同其從前未得雨之

寧國等州縣亦據續報得雨農田甚為有益至尚未據

報得雨之亳州等處仍傳

諭該撫令其查明速奏

稍為慰遠希恐如去年況

安省亦於二月初旬得雨乃因夏秋雨水缺少以致歉收此次雖獲春膏仍望接潤因傳諭書麟不可因慰志

滿其未甚需足處有應酌借籽種
及平糶接濟者仍令查明覆奏

益慎凜宵衣

題永慕齋

一嶺東西天隔之詰朝瞻拜宿齋斯泠泠不斷階前水
共我無眠問夜悲

恭謁

泰陵

勤政十三年

貽謀萬禩綿曾無息

欽定四庫全書

御製詩五集
卷二十一

二十一

一意石有佛雙肩

閔寢春恤若儀松古鬱然來孫已襁褓

前年甲辰閏三月予得五代元

孫於皇考為來孫今已三歲矣敬告顯

禧延

恭謁

泰東陵

泣憶辛巳歲奉

輿幸五臺

辛巳春恭奉

泰陵因至五臺瞻禮

慈輿祇謁即今成獨往

辛丑

迄今歲復兩詣五臺迴思辛
已掖輦彌深獨往之感忍此弗重來實恨

明樓迴虛瞻

享殿開隙駒九年閱

自丁酉至今歲丙午已閱九年矣

難盡一心哀

易州道中覽古

樊館荆山迤邐過

易州南二里許有樊館山以樊於期得名又有荆軻山相傳為軻葬衣冠

處世人耳食傳會不足為據丙寅有長歌詠其事

燕丹好客信如何深謀適作

亡燕計笑盡東流易水波

黃金臺三用沈德潛韻

是詩丙寅辛巳逮今凡三作前二首無過考其地
及嘉燕昭求賢之殷茲乃反其意蓋因黃金而來
者未免有好利之心耳

圖經傳李善易水似真臺

李善引上谷郡圖經云臺在易水東南十八里較之他說

言都城定興安肅者似為有據

郭

隗

樂

毅

固堪致許巢定弗來如繩驛

路直傍曉墅烟開用韻思老沈因何友不才

沈德潛歸田後不自

檢束因為徐述夔濫作序文身後致罹咎譴實惜其晚節不終也

御射碑

在易州西南水經注徐水西有御射碑凡三皆巽對層崖石文云太延元年十二月

車駕東巡，逕五迴之險途，覽崇峯之竦峙，乃停駕路側，援弓而射之。飛矢踰於崖山，刊石用讚元功，夾砌有層臺二所，即御射處也。

北魏三銘識太延碑稱御射勒沿川踰崖飛矢尋常耳。飛矢踰崖，木蘭行圍，每為之事不足異。魏太武即矢踰崇崖勒銘紀事一亦足矣，何至再三乎？何用豐碑紀歲年。

駐行營作

五臺非常幸，幸則駐行營。頗覺提攜便，更饒淳樸情。春曦暄匪熱，野景淑而清。雪後土膏潤，豫遊當去聲省耕。

五公城

水經注易水東逕五大夫城昔北平侯王譚不同王莽之政子興生五子隱居山中

其舊居世以為五大夫城光武即位封為五侯所謂中山五王也俗又以五公名

不同莽政正而強光武封侯號五王勝五大夫冒秦號

泰山有五大夫松為秦始皇所封茲五公城雖亦有五大夫之稱然勝五松之冒秦號矣千秋也據

岱之陽

江南總督薩載等續報透雨詩以誌慰

龜山淮瀆敬馳香

前命阿彌達祭告河神祠禮畢即馳赴盱眙恭祭淮瀆廟茲據會同

薩載等奏十四日抵盱眙自酉刻起細雨綿密次日上龜山恭祭時雨更稠渥至十六日辰刻甘霽連宵入土

深透計有尺許二麥青甦農民稱慶續據徐州屬之銅山等縣淮安屬之山陽等縣及揚州鎮江江寧屬之江都丹徒上元等州縣均稟報十二三日得雨四五六七寸不等十二三日之雨上自徐州下至江寧同時均被十五六日之雨清江淮安已屬相同其餘各府現在行查彙奏等語覽奏欣慰去歲南省被災處多今歲田功尤為塵念不置茲普被甘霖庶冀二麥可收以接青黃然更望稻田之資雨吾憂其有極耶 續得甘霖降霈霂盈尺不惟霑徐泗分膏且喜渥昇揚高田望夏收麥穗低墮蓄波潤稻秧憂以切因慰之亟殷殷益勵敬無遑

漸離城

易水東經城漸離筑聲千載尚含悲憐他瞽目如豐面

謂豫讓之死不忘國士知

麥色

暖迴春仲向南來麥色侵尋發綠萋念此芄芃蓄目者
得於覩覩切心哉更思有繼甘霖沃難說無妨優雪培

申命八人管索輩

每行幸澤途所經派侍郎副都統等八人沿途嚴行管束扈從人等車馬

毋許踐踏稼穡嚴教藉躡禁輿僮
穡此成例也

長城

平川流易水春波沁始生曲徑坡陀處敗壘莽榛荆遺
蹟問土人云傳是長城長城秦拒胡此何有其名因之
翻志乘所載乃悉明斯為燕趙疆劃界昔戰爭即今一
省地未至百里程爾時分各國號令如何行號令猶其
次民奚安鑿耕

題趙簡子祠

尹鐸增培於晉陽昭誓簡子怒如狂言聽無正翻行賞
從善真宜享祀長

過堯城村

望都城東堯始城村民萬古傳斯名傳名當必有其實
曰如是鑿如是耕爾時不知已不識而況四千餘載更
緬想於變仰巍蕩本之兩字曰欽明

降旨蠲免直隸南三府借欠銀米詩以誌事

河北恒廩遭洊飢賑蠲百計救無遺城門殃及寧當忘
直省順德廣平大名三府與豫省之衛輝彰德境壤毗
連上年俱被旱災衛輝等屬業經節次降旨蠲賑頗施
因傳詢劉我將順德等處有無溝壑頻填為切思果有
因災出借銀米之處查明具奏溝壑頻填為切思果有

借資銀及米

茲據劉裁查順德廣平大名三府屬果有上年因灾出借米七萬六千八百餘石折

色銀二十二萬餘兩此項若令一并帶徵小民輸將未免拮据因降諭旨概行豁免以示一視同仁有加無已

之意

肯教追呼

去聲

窘和嫠普令寬免蘇閭里勿問有孚尚

愧之

曲逆故城

開叛用人際固不論小節高祖善任使竟解平城隍因
賜壯哉城佳話今猶說最憐王陵慙終遜陳平譎

曲陽縣望水竇巖詠古

水竇信於何雲山寄遙望詩吟漱玉亭

定州曲陽縣水竇巖有金章宗

漱玉亭詩

章宗景想像

叶

禮樂非不修典型無善狀惜哉世

宗業文具實漸喪成之百年艱壞以一朝諒為治守前規落止慎其訪

湖廣總督特成額續報得雨誌慰

去歲南方旱暵侵今年農事倍廛心早知荆楚膏優被

繼報仲春雨渥深

南省因上年被旱望雨尤切湖北各屬先據特成額奏報正月間連得透

雨茲復據馳奏二月十六七兩日省城大雨霽霈差查四郊二麥長發七八寸至尺餘不等塘堰盈滿土膏沃

潤農民咸稱雨澤已足即可翻犁大田并據漢陽黃州安陸及湖南之岳州等府稟報相同欣覽之餘倍深欽
惕不獨麥畦結穗飽更資稻壠插秧森細思謙受滿招
理額手慰餘增惕欽

廣利渠

靈濟祠邊廣利渠灌田興穡卅年餘

乾隆乙丑直隸總督高斌奏開此渠

引唐河之水注之灌溉田畝迄今凡四十二年矣

載咨方伯斯邦者一意勤民

可忘諸

靈濟祠三疊舊作韻

向當乙丑歲疏鑿此開渠源溯靈邱遠流分廣利舒

唐河

發源山西靈邱縣乾隆十年命開廣利渠引河水下注達淀以溉民田

田廩灌民稼祠以

妥神居小駐因途便賢臣追想餘

此渠高斌所奏興工者

愜適齋

樸斲祠旁敞月寮舊題俯仰一逍遙因思愜適近乎泰
君子當知泰不驕

秀木軒

種樹卅年秋復春庭前秀色越輪囷對之絜矩還自問

可解如斯能樹人

雨二首

二月二十六日

徹夜春雲密作霖五鼓中登程冒霰望遠總冥濛努

力道傍役笑顏笠底翁神傳玉局句此樂爾予同

靈濟道傍祠停輿小憩宜渠波增漲水

是日小憩靈濟祠傍傳膳廣利

渠即在其前膏雨新零綠波增漲與臣民同慶也

閒館對烟絲御宿行行到壘

臣箇箇怡報稱三寸足遠處問何其

據劉我奏本日曲陽縣自子至巳得

雨已足三寸現尚未止其別屬得雨分寸仍令查明續奏

普佑寺

屏山還帶水梵宇巧安排却早識幽境奚妨憩淨齋此時憶往歲尋詠總忘懷普佑繹時義無過春雨佳

阜平縣四依

皇祖元韻

春寒勒李桃春氣發柳杞太行西南來到此稍平址斯民三代民古風在鄙俚

皇祖蠲井稅民弗病耘耔至今利灌輸溪田足新水鳴

鞭問民依行行且復止問吏曰無貪問俗曰有起其然
信然乎留心閱閭里雖未臻大當實可稱小美

重熙休養恩保赤黎元喜所以荒瘠區

見皇祖
阜平縣詩

幸

成穀帛市勤思繼述方敢懈惕乾理

暖

堯峯寒積雪平野潤生莎節識清明近旭烘景物和鵲

形無凍色鳩杖有恩波

道傍迎駕者
民頌賜銀牌

最喜宜詩處青烟

村外過

清明節近官柳含烟蹕路傍
有村曰青烟村在阜平東北

題近清齋

大教場密邇清涼向遇巡幸五臺來往率御行營
辛丑迴蹕曾發帑金命置吏構行館數字茲來落
成顏曰近清齋因成是什

清涼山近猶隔嶺來往駐斯因作齋官帑發惟期樸素
庶民攻匪是差排慮緣雪滑封巖戶恰喜春晴烘砌
却亦有池還有閣

行館內復引水為池上構書屋題曰澹漪對山有小閣題曰青來

失

乎美矣為慙懷

春祺室

正齋備咨政溫室寢興宜詎祇堪容膝寧無切慎思豫
遊遵夏諺燕晉溥春祺斂錫非虛語曰惟實惠施

青來閣

小閣三間對北山
菴來青翠袖襟間促成七字千年調
聲過去來居一日還

澹漪書屋

引水作方塘書屋臨其上即此江湖心受他風月狀觀

瀾屬有為澹漪却無恙是維題額意寥天印空曠

賜直隸扈蹕官食因得句示志

今日趙郊明晉省分疆頒賜例惟循羶車步輦誠安逸

後扈前驅體苦辛陸壑架橋訓過費

修道搭橋例從工部奏銷發價聞修

道價廉而搭橋價裕地方官每以有餘補不足亦祇付之不問今歲乃凡陸路乾溝率架橋座一日過十橋無

一二有水則是為冒銷雖稱小心供奉御路不至此也既有冒銷恐因循致勞民矣因降旨明切曉諭春

原積雪代清塵

今歲春雪初霽郊原含潤可免清塵灑道

載咨推食分甘侶

南府應思有餒民

安徽巡撫書麟續報普得透雨詩以誌慰

月初報有未霑處

二月初旬書麟奏報南陵等州縣僅得微雨不成分寸其亳州等州縣尚

未得雨因降旨令其齋心籲禱以冀甘霖續沛嗣又據奏於初七至十五日省城得雨霑足近省各州縣均報得雨二三四寸不等亦

月仲茲稱普被膏

茲據書麟馳奏自十六日

尚有未報得雨之處

從省城赴廬鳳一帶查賑驛路泥深尺許至二十日始晴二麥青蔥并據安慶等十三府州屬均報於二月中旬先後得雨深透其前未得雨之亳州亦於十二日得雨五寸十四五日得雪七寸田疇頓覺改觀民情大慰糧價稍定

優渥廉纖誠遍逮宵衣旰食慰焦勞轉旋實賴

乾坤德消息敢推氣數遭每憶昨年增懼耳

安省上年二月初旬

欽定四庫全書

卷二十一

卷二十一

三

亦曾得雨因夏秋缺少雨澤以致歉收是以前次安徽
報雨詩有恐如去年况益慎凜宵衣之句今歲雖連被
甘膏然秋成尚遠
仍望源源繼潤耳
秋成遙念豈忘忉

益壽菴

昔過益壽菴

祝釐喜名當

在辛巳年

茲過益壽菴迴憶惟增悵况已過古

稀奚必增奢望堯之辭封人封人言更暢然而辱應避
其道在无妄

招提寺

何寺非招提此獨招提是

梵語招提即華言寺院見唐書增輝記

而我偶

然過亦偶悟此理揣稱

去聲

與選文未免費摹擬蓋寺即

招提而招提即寺

叶

一二二而一非此亦非彼却合五

千言無名名之始

三箭山三疊舊作韻

西巡事事緬

前聞

三箭欽超射者羣自是

欽定四庫全書



御製詩五集
卷二十一

聖蹤熟六藝永垂

家法示千軍駐驄曠野率七萃連射崇崖越幾分笑彼

御碑留北魏

我而射連

皇祖於康熙二十二年經此勒馬

箭山按易州西南沿徐水有北魏太武御射三碑自誇飛矢踰崖刊石讚功至於再三以我皇祖神藝如此為而不有視魏太武真不直一哂也

鴻名恒共嶺頭雲

龍泉關五依

皇祖元韻

百雄雄當道千巖迴倚空東西兩省界迎送一朝同棧
路雪皴白羽林帽冪紅是日雪凡御前大臣乾清門
侍衛等例著紅猩猩毯帽民
風何若昔興凭默存中

雪中過長城嶺三首

長城嶺亦海喇汗

木蘭靈山曰海喇汗每經行必有雨
雪茲長城嶺亦然信乎山神靈異無

間中

五度都曾雪景觀

丙寅庚午辛巳辛丑過長城嶺
皆得雪並有詩紀事茲二月三

十日度嶺雪片風花彌
山徧谷真宜入畫也

靈嶽自當著靈異鏤冰翦水正攢團

凍塗滑刺頗難登
兵役剝除勞可矜
或競拽輿安穩過
雪中山徑凍滑難行
弁兵幸際太平無事
征戍剝除積雪扶護
乘輿乃分應出力之
處然念其衝寒勞力
因命分別賞賚銀幣
有差

太平盡力此為應

古稀那復稱筋力
雪磴還艱輶轡輪
乘錦雲驄辭步輦
往年策騎度長城
嶺有馬踏冰花不作
泥盤盤磴道徐策騎
之句蓋其時所乘者
乃錦雲驄也性馴步
穩餘馬多仆跌此馬
獨穩步而過滑磴誠
可尚也茲年逾思古
稀雪中乘輿而行迴
思往事不覺今昔之
殊矣迴思此況是何
人

湧泉寺

湧來雪竇瀉成川
滴滴泠泠高下懸
可識文殊通體淨
底須盥手藉斯泉

志稱中北兩臺間
臺麓東今泉見潺
相去地訛四十里
志稱湧泉在中北兩臺間今乃在臺麓寺之東相去已四十餘里矣
從來紀載信誠艱

梵寺遶旁有精舍
不妨小憩領清便
壁間辛丑曾留詠
眨眼光陰又五年

射虎川

射虎當年

欽定四庫全書



聖蹟留於菟皮尚寺中收

虎皮至今尚檀置臺懷菩薩頂寺中是以辛巳詩有寺樓

麟檀尚居然之句

昔疑此尚山林險今則比看民戶稠

此地耕桑日闢

絕無虎蹤矣

百歲熙和致富庶一心繩繼敢優遊昨年秋獮

神鎗用

昨歲秋獮木蘭至阿濟格鳴罷圍後總行營虞人報西山有虎復策騎率衆往時虎伏叢薄中

左右約指其處即用皇祖所遺虎神鎗一發中其要害衆蒙古無不懼忭

無忝虔增

家法脩

臺麓寺

震旦之佛宇崇臺峙以五中天而懸居右弼更左輔萬

壑曼千巖面前列構俎斯為臺之麓初步超塵所即有
招提寺莊嚴建以古如是瞻色相而弗可目覩非我創
是言金剛明示語

若以色見我是人行
邪道金剛經語也

題雪妍堂

臺麓寺東館雪妍昔額堂每來吟白戰誰為去聲幻銀妝

過嶺勢畧小安居興頗長命人護素載

雪山徑駝載
艱行慮有阻滯

命誠郡王舒常等董率管押次
第前進蓋爭擁反致阻隔也

莫匪政之方

靜寄齋

行當謁中臺清齋宿初地花宮既精嚴別室亦幽致徘徊瞻檐額是我題靜寄於焉淨塵心亦匪叅禪意隔牆閱風幡撫松喜蒼翠却憶盤之莊

盤山亦有靜寄山莊

是一還是

二

題雨花臺

維摩室裏天花雨

去聲


西竺飛來現五臺此事已隣莫須

有梁王建業若為哉

雨花數典西竺五臺已涉傳會若金陵之雨花臺尤為牽強也

駐白雲寺行館作

何山弗出雲何雲弗籠寺而此獨擅名真足愜人意行
館依碧巖原是向年置有峯亦有池嫌他多點綴白雲
應笑斯千乘復萬騎



御製詩五集卷二十一